

Na osnovu člana 26. Statuta Zavoda zdravstvenog osiguranja Zeničko-dobojskog kantona ("Službene novine Zeničko-dobojskog kantona", broj: 11/16) i člana 21a. stav 2. Zakona o zaštiti ličnih podataka ("Službeni glasnik Bosne i Hercegovine", broj: 49/06 i 76/11), direktor Zavoda zdravstvenog osiguranja Zeničko-dobojskog kantona, d o n o s i

O D L U K U
o uspostavi i načinu korištenja video nadzora u Zavodu zdravstvenog osiguranja Zeničko-dobojskog kantona

Član 1.

Ovom Odlukom uspostavlja se sistem video nadzora u Zavodu zdravstvenog osiguranja Zeničko-dobojskog kantona, definiše njegoa svrha i opravdanost, te utvrđuju pravila prikupljanja, obrade, načina korištenja i davanja prikupljenih podataka zajedno sa načinom i rokovima čuvanja istih.

Član 2.

Video nadzor se provodi u svrhu zaštite sigurnosti radnika Zavoda zdravstvenog osiguranja Zeničko-dobojskog kantona, nezaposlenih lica koja su korisnici usluga Zavoda, te drugih posjetioca.

Pored svrhe iz stava 1. ovog člana video nadzor se uspostavlja i koristi se za sprečavanje, onemogućavanje, a po potrebi i istraživanje sigurnosnih incidenata, mogućih opasnosti ili neovlaštenih fizičkih ulazaka, uključujući neovlaštene pristupe osiguranim prostorima i IT infrastrukturi, te sprečavanje, otkrivanje i istraživanje slučajeva krađe, uništenja i oštećenja opreme ili imovine u vlasništvu Zavoda zdravstvenog osiguranja Zeničko-dobojskog kantona.

Član 3.

Sistem video nadzora može se upotrebljavati samo u skladu sa svrhom propisanom ovom Odlukom.

Podaci prikupljeni sistemom video nadzora ne smiju se koristiti suprotno Zakonu o zaštiti ličnih podataka.

Član 4.

Video nadzor obuhvata snimanje i pohranjivanje vizuelnih zapisa.

Službeni ulaz i hodnici sjedišta Zavoda i poslovnicu Zavoda su pokriveni nadzorom video sistema.

Sistem video nadzora obuhvata unutrašnje i vanjske kamere i uređaje za pohranu video zapisa i arhiviranje video zapisa.

Član 5.

Radnici Zavoda, nezaposlena lica koja su korisnici usluga Zavoda i drugi posjetioci obavješteni su o vršenju video nadzora putem jasno vidljivih obavještenja: „Objekat je pod videonadzorom” koja su postavljena na ulazu u objekte u kojima je uspostavljen video nadzor.

Član 6.

Uređaji za snimanje nalaze se u prostorijama info pulta u sjedištu Zavoda, te zatvorenim prostorijama u poslovnicama Zavoda.

Sistem video nadzora povezan je na monitoring stanicu smještenu u nadzornom centru na ulazu u prostorijama info pulta.

Direktor i pomoćnik direktora za poslove iz djelokuga organizacionih jedinica, pravne i opće poslove i poslove finansija imaju mogućnost uvida u sistem video nadzora putem monitoring stanice koja je instalirana na njihovim računarima.

Član 7.

Snimke nastale korištenjem video nadzora se pohranjuju na snimaču, te se iste automatski brišu po proteku pet dana od dana nastanka snimka.

Član 8.

Radnici raspoređeni na radno mjesto portir imaju mogućnost uvida u sistem video nadzora putem monitoring stanice koja je smještenu u prostorijama info pulta samo za trenutne snimke kamera postavljenih u sjedištu Zavoda i Poslovnici Zenica.

Pravo pristupa pohranjenim snimcima u roku prije njihovog brisanja ima direktor, pomoćnik direktora za poslove iz djelokuga organizacionih jedinica, pravne i opće poslove i poslove finansija i Jedinica za informatiku.

Zaštita od neovlaštenog pristupa snimcima uspostavljena je na način da je za pristup istima potrebna posebna šifra koju posjeduju samo lica iz stava 2. ovog člana i koja se čuva u zatvorenoj kovreti, u zaključanom ormaru za čije čuvanje je odgovoran rukovodilac Jedinice za informatiku.

Član 9.

Pristup video nadzoru odnosno pohranjenim snimcima može se omogućiti ovlaštenim policijskim agencijama i ministarstvima unutrašnjih poslova u slučaju incidentnih situacija ukoliko su ispunjeni sljedeći uslovi:

- da se desila incidentna situacija vezana za ugrožavanje sigurnosti imovine i ljudi
- da je nadležni policijski organ podnio pismeni zahtjev za omogućavanje pristupa video zapisima sa jasno određenim vremenskim razdobljem za koji se traži pristup video zapisima
- da u arhivi snimljenog materijala postoji video snimak u traženom vremenskom razdoblju.

Član 10.

Odluka o uspostavi i načinu korištenja video nadzora u Zavodu zdravstvenog osiguranja Zeničko-dobojskog kantona stupa na snagu danom donošenja i bit će objavljena na web stranici Zavoda.

Broj: 01-1784/21

Zenica, 18.02.2021. godine

